

## Universitätsbibliothek Paderborn

### **M. Fabii Quintiliani Institutionum Oratoriarum Libri Duodecim**

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii  
Flacci Declamationes. Auctoris Incerti Dialogus De causis corruptae  
Eloquentiae - Cvm Variorum Notis

**Quintilianus, Marcus Fabius**

**Lugd. Batav. ; Roterodami, 1665**

CCCXXXV. Infamis in novercam vulneratus.

**urn:nbn:de:hbz:466:1-12889**

fefellit. Nunc proditorem sciens defendisti.<sup>1</sup> Nihil dico de advocatione: testem perdi. Tantane lucri cupiditas? sic proditores corrumpuntur.<sup>2</sup> sic prorsus homo nocentissimus cum advocato suo locutus est: Ego quidem prodidi: sed magnam pecuniam accepi: & tibi sufficit. Quæritis, ju-  
dices, quantum promiserit petenti? non potuit proditor solvere. Ergo quantum in isto est, proditor vivit? nec vivit tantum, sed etiam insidiatur, & ad hoc necessitate solvendi urgetur: addidisti homini nocentissimo pecunia necessitatem. Unde temporum mutata conditio est?<sup>3</sup> Pe-  
cuniam non accipiebas: ita nunc ille, quod punitus est,  
merces hujus vindicata est: pecuniam non acceperat.

## CCCXXXV.

*Infamis in novercam, vulneratus.*

Infamis in novercam cum patre peregre profectus est: cum in latrones incidissent, fugerunt. Pater reverus adulteros inclusos in cubiculo deprehendit: occidit uxorem: adulterum vulneravit: is fugit, postea vulneratus filius venit. Interrogavit eum pater, à quo vulneratus est: ille à latronibus dixit: curavit eum pater, & reddit causas mortis voluntariae filius. C.D.

## DECLAMATIO.

**A**DVERSUS mala & injurias fortunæ, & gravem plerique vitam, unum natura remedium invenerat, mortem. Nec quisquam potest tam crudelis legum lator fuisse, qui hominem<sup>4</sup> innocentem vita puniret: cum & hoc ipsum sit calamitatis genus, mori velle. Necessaria tamen vestra cognitio est,<sup>5</sup> ut non, quia istud liberum esse innocentibus non oportet, sed quia multi sunt, qui sic conscientiam emit-

<sup>1</sup> Nihil dicam de advocatione.] Hoc est, de pacto advocationis. & testem perdi, nempe proditorem exulem, qui de pacto testimonium dicat, quem de advocatione mercenaria, & patrocinii salario interrogeam. Idem.

<sup>2</sup> Sic proditores corrumpuntur.] Immo corrumpunt. Gronovius.

<sup>3</sup> Pecuniam non cupiebas.] Hic locus sic fortasse restitui potest, Pecuniam cu-

piebas, pecuniam non acceperas. Itanue ille quod punitus est, merces hujus vindicata est. Ærodius.

<sup>4</sup> Innocentem vita puniret.] Dum ei necis adversum se potestatem adimeret, tum cum mors ipsa, iam vita beatior est. Idem.

<sup>5</sup> Ut non, quia istud liberum.] Legi: utique non. Idem.

emittunt: & ideo <sup>1</sup> adjectum est damnum sepulturæ, ne se putent poenas effugisse. Ideo ego hanc vitam olim invisam tam diu tuli, donec filius meus sanaretur, ne viderer aliqua conscientia mori velle. Mori volo: nihil me commisso manifestum est. Et jam satis rationem vidcor reddisse: mori volo senex: habet suos vita terminos. Dum membra sufficiunt, dum in officio vires sunt, <sup>2</sup> quotamquamque partem habeo viventis. Cum adhuc haberem uxorem, matrimonio inutilis eram: nec mirum, si quem concupiuit juniorem: occidere adulterum non potui. Non miratur me mori velle, si quis vidisset fugientem. Quam tardare feci? felicissimus fuisse, si me latrones occidissent. Accedit illud, filium habeo: mori volo, dum salvus est, dum illum relinquere superstitem possum: pene illum numeramisi. Quid futurum erat, si non potuisse sanare? Bene, Dii, quod leve fuit vulnus. non accidet hoc mihi iterum. Ego scio, in quibus cogitationibus fuerim: si in majus periculum filius meus venisset, <sup>3</sup> non expectassem vos, ut perirem. Nondum de adversis loquor: hæc ipsa me ad mortem ducunt, <sup>4</sup> quæ ex voto contigerunt. Veniamus nunc ad querelas. Infelix sum: peregre profici sci volui: in latrones incidi: vivere me miror: accessit dolor, <sup>5</sup> à filio meo deductus sum. Non queror de ipso: omnis mihi ratio adversus fortunam est. Intervenerunt latrones:

non

<sup>1</sup> *Adjectum est damnum sepulturæ.]* Lex enim erat, Qui causas in Senatu voluntaria mortis non approbaverit, insepultus abiciatur. de qua infra. *Erod.*

<sup>2</sup> *Quotamquamque parte.]* Lege, dum quotamquamque. *Idem.*

<sup>3</sup> *Non expectassem vos ut perirem.]* Hoc est, non expectassem ut causas voluntariae mortis vobis Senatoribus approbarem. *Idem.*

<sup>4</sup> *Quæ mihi ex voto contigerunt.]* Contigit enim ut inveniret filium suum adulterum non esse, nec infamem in noviciam. Id cum ex voto contigerit,

ideo tamen mortis ei causam & desiderium attulit, quod filium interrogando de adulterio, videtur hoc ipso, si non crimen, at suspicione criminis non leviter eum asperisse. *Martianus* l. 3. ff. de bonis eorum. videri autem & patrem qui sibi manus intulisset, quod dicetur filium suum occidisse, magis dolore filii amissi mortem sibi irrogasse, & ideo bona ejus non esse publicanda. *Divus Adrianus* rescripsit. *Idem.*

<sup>5</sup> *A filio meo deductus sum.]* In cursu latronum à filio meo separatus & seclusus sum. *Idem.*

non stetit mecum filius, cum pro me pugnarem: feci aliquid & ipse scelerate: solus reversus sum, tanquam scirem filium salvum esse. Insecuta est alia fortuna, uxorem adulteram inveni. Quid accidere gravius huic ætati potuit? velut exprobrare mihi visa est fortuna, quare uxorem post juvenem filium duxisse. Ex eo, quod deprehendi, illud quoque colligo, diu adulteram fuisse. Paulo ante profectus eram, statim in cubiculo adulteri, tanquam sciret me non reversurum. Quantum hinc cœperim dolorem: deprehendi, quod ipsos adulteros puderet: tenebris abscondunt, tanquam nefas. Non est hoc ad mortem satis? adeo me laborasse judicio, ut nescirem, quam ducerem? adeo me nescisse, quid in domo mea ageretur, ut non fuerim deprehensurus, nisi fugissem? Destituit me fides illa, quam speraveram fore solatium senectutis. demens ego, cum talem haberem uxorem, peregre profectus sum. Abducebam mecum etiam filium. Mori volo, quia uxorem meam occidi: qualemque, licuit: scio. Sed non semper ad animum pertinent jura. Occidere adulteros lex permittit. Ego mihi sic irascor, tanquam nefas fecerim: aut si quid in hac parte consolari vultis, mori volo, quod adulterum non occidi. Hoc tantum me dicere putatis, quod me non vindicavi, quod nescio quis fuerit: & forte persistet hic mecum, & quod has manus evaserit, gratuletur quod non occidi, vulneravi: ita ille & salvus est, & beneficio meo vivet. Pœnitet, quod non ab adultero cœpi: circa uxorem moratus sum, tanquam illa plus sceleris fecisset: interim fugit ille juvenis & velox. Mori volo, quod adulterum non invenio. unde venit? quis hominum fuit? non inveniri in civitate hominem vulneratum? quos ego non domi medicos adhibui? omnes illos interrogavi: num quis alias? nemo erat, nisi quem latrones vulneraverunt. Et nunc ille me deridet ubique, & fortasse jam sanus est. mori volo, satis justa moriendi causa erat, si calamitas mea hactenus stetisset. Accedit huc, quod fortuna nostra

stra dedit malis suspicionem. Nihil est hoc loco, fili, quod me suspicari putas. Non habebam causam parcendi homo peritus. Ego te vero innocentem puto: ac si hoc non credis, curavi, sanavi: alioqui te & hodie occidisse. Constat tibi innocentia: sed nunquam potest constare sibi fama: vis scire quæ inimici nostri loquantur? <sup>1</sup> Ira \* actus me in latrones incidisse. solet fieri: summum est. Sequens scio: sed nemo de hoc loqueretur, si uxorem non apprehendissem. Mirantur, quod patrem in illo periculo reliquisti. ego te puto fecisse sapienter: & si crimen est istud, utriusque commune est: nam & ego fugi: non eramus pares: quid attinebat periclitari? utrumque nostrum fecisse summo consilio puto. In latrones incidimus, & recessimus, fugimus: nemo persecutus est. Quid ergo est? Ego gaudeo, qui non potui aliud majus beneficium dare, quam ut salvus essem. Sunt qui te putent pro me pugnare debuisse. Querebar paulo ante de infirmitate corporis: mihi ne mentem quidem satis constare credo. <sup>2</sup> Cum convenissem, uxorem adulteram occidisse, postea in domo viderem vulneratum, interrogavi, quis te vulnerasset. Sed dignus sum morte: infamavi te adulterio. In latrones incideramus. Ego te interrogavi, quis vulnerasset: non, fili, maligne: sed quomodo excidunt multa his, qui expaverunt. percussus illo metu ignoravi, quid facerem. Mali istud aliter accipiunt. Irascor manibus meis, quod adulterum tantum vulneraverim: nulla ad te pertineret infamia,

<sup>1</sup> *Ira actus.*] Sic vet. cod. cuius vestigiis malim ita legere, loquuntur irati: me in latrones incidisse solet fieri: summum est sequens, scio, sed nemo, &c. Pithœus. *Ira actus me in latrones incidisse.*] Aerdius de sententia Brissoni: Mirantur me in latrones. Quæ ipsa veritas est: nec debuit Pithœus aliud quid querere. Quod deinde, graviter affectum est. Aerdius: summum viæ periculum est. Sequens scio. Fortasse: solet fieri: non novum est, frequens est, scio, & nemo de hoc loqure-

tur. Quod de eo loquuntur, indicium est mirari. Gronovius.

<sup>2</sup> *Cum convenissem.*] Aerdius: Cur cum venissam. Malim: Domum cum venissim. Intelligitur particula causalis, non modo sâpe, sed & eleganter sic omitti solita. Mihi ne mentem quidem constare satis credo, nam domum cum venissim, & ibi ista mihi contigissent, interrogavi. Hanc interrogationem singit se accipere tanquam mentis parum sanæ argumentum. Idem.

mia, si occidisse. Nunc congruere hæc inter se videntur falso quidem: videntur tamen: ego nescio quem vulneravit: tu vulneratus es. Non prodest nobis, quod novverca est. Hominum iniquitatem ne odio quidem defendimus. Ego te nunc si non curasse, viderer filium occidisse. Hanc ego infamiam ferre non possum: tua aliquaria est: tibi longa vita superest: poteris approbare innocentiam, cum duxeris uxorem, cum fidem illi maritalem præstiteris, <sup>1</sup> cum totius te vitæ gravitas resolvet. Ego enim si nolo mori, morior antequam adulterum inveniam. Vis adjiciam ad hoc causas moriendi? irascor tibi, nescio quem illum invenire non potes. Debet istud ignosci mea senectuti: tu nec quæsisti.

## CCCXXXVI.

*Ager communis, & novæ tabulæ.*

Paetus cum fratre majore, ut agrum communem paternum ille suscipiat, & omni æri alieno satisfaceret: tabularum novarum lege lata partem agri petit, ille C. D.

## DECLAMATIO.

**A**Ger, quem communem nobis esse dico, patris nostri fuit. Is duos liberos reliquit, æquum utriusque jus, eadem utriusque onera æris alieni mihi (ut nunc est) nihil. Cessisti, inquit, mihi. Si hoc sine ulla conventione fecissem, si nulla opponi huic tuæ voci posset exceptio, dicarem. Circumscripsisti fratrem, nec difficile fuit, minorem. Quod si nulla vi coactus, nullis insidiis, <sup>2</sup> quod nobis solum pater reliquerat, tibi uni concessi, debes referre animo gratiam, <sup>3</sup> ut hoc fratri bene diceretur: sed quatenus exuisit nomen

<sup>1</sup> Cum totius te vitæ gravitas resolvet.] est Thaddæo, neque Aerodio. Et certe supervacuum est. Scribe: gratiæ. Hoc  
Scribe: absolvet. Idem.

<sup>2</sup> Quod nobis solum pater reliquerat.] forte: quod nobis pater reliquerat, solidum  
tibi uni concessi. Idem.

<sup>3</sup> Ut fratri bene diceretur.] Tò ut non

Idem.